



REPUBLIKA E SHQIPËRISË
KOMISIONERI PËR TË DREJTËN E INFORMIMIT DHE MBROJTJEN E TË
DHËNAVE PERSONALE

Nr. 1268/ Prot.
2

Tiranë, më 19.01 2016

Lënda: Mendim për projektin koncesionar të implementimit të sistemit të targave me çip (RFID).

Drejtuar: Z. Edmond HAXHINASTO, MINISTËR

MINISTRIA E TRANSPORTIT DHE INFRASTRUKTURËS

Adresa: Sheshi Skënderbej 5, Tiranë 1000, AL

TIRANË

Inderuar zoti Ministër,

Në përgjigje të shkresës suaj Nr.Prot.6277 datë 07/12/2015 dhe në vijim të dy takimeve të zhvilluara pranë ambjenteve të Zyrës së Komisionerit me përsaqësues të Ministrisë dhe të subjektit koncesionar “Porta Saber Albania” sh.p.k., lutemi referohuni në vijim në interpretimin ligjor përkatës.

Në zbatim të dispozitave të ligjit nr. 9887, datë 10.03.2008 “Për mbrojtjen e të dhënave personale”, i ndryshuar por edhe rregullave ndërkombëtare në këtë drejtim (Rekomandimi i datës 12.05.2009 i Komisionit European “Mbi zbatimin e principeve të privatësisë dhe mbrojtjes së të dhënave në aplikacionet e mbështetura në RFID”) në mënyrë që aplikacioni të konsiderohet në përpunohet me mbrojtjen e të dhënave personale:

1. Kontrolluesi duhet të hartojë dhe publikojë një informacion të saktë lidhur me sistemin RFID ku minimalisht duhet përfshirë:
 - Identiteti dhe adresa e kontrolluesit.
 - Qëllimi i sistemit.
 - Çfarë të dhënash personale përpunohen nga sistemi.
 - Një përbledhje e masave të sigurisë së sistemit.
 - Nëse aplikimi i këtij sistemi sjell ndonjë rrezik për privatësinë e individit dhe masat që vetë ai mund të marrë për të zbutur këto rreziqë.

Subjekti i tē dhënave duhet tē vihet nē dijeni pēr informacionin mē sipér nē kohën e duhur, pērpara vénies nē funksionim tē sistemit.

2. Kontrolluesi duhet tē parashikojë informacionet e mēposhtme lidhur me sistemin e tij:
 - Emërtimi, qëllimi i sistemit dhe shtrirja gjeografike e tij,
 - Mënyra si do tē funksionojë sistemi, komponentët dhe teknologjia e përdorur,
 - Përdoruesit/individët që do preken nga sistemi,
 - Tipi i tē dhënave personale që përpunohen dhe koha e ruajtjes së tyre,
 - Qëllimi i përhapjes tē tē dhënave personale nē palë tē treta,
3. Kontrolluesi duhet tē sigurojë implementimin e masave mbi sigurinë e informacionit, duke ju referuar nē mënyrë të veçantë Udhëzimit Nr.21 tē Komisionerit pēr "Përcaktimin e rregullave pēr ruajtjen e sigurisë së tē dhënave personale tē përpunuara nga kontrolluesit e mëdhenj". Kontrolluesi duhet tē caktojë një person ose grup personash përgjegjës pēr shqyrtimin e vazhdueshëm tē masave teknike dhe organizative tē ndërmarra pēr tē siguruar mbrojtjen e tē dhënave personale nē përputhje me legjislacionin nē fuqi.
4. Kontrolluesi përgjatë aktivitetit tē përpunimit tē tē dhënave, duhet tē kufizojë rreziqet e ndryshme mbi privatësinë, duke përfshirë (por jo vetëm) rastet kur:
 - Përpunimi i tē dhënave personale nuk është i bazuar nē pëlqim, një kontratë apo detyrim ligjor. Psh. operatori i sistemit ndan tē dhënat e mbledhura me një palë tē tretë jashtë kuadrit ligjor tē përcaktuar.
 - Qëllimi i mbledhjes së tē dhënave nuk është saktësuar dhe dokumentuar ose pēr qëllimin e specifikuar mblidhen mē tepër tē dhëna se ç'është e nevojshme.
 - Informacioni i dhënë ndaj subjektit tē tē dhënave mbi qëllimin dhe përdorimin e tē dhënave tē tij nuk është i plotë, përpunimi i tē dhënave nuk është bërë transparent, ose informacioni nuk është dhënë nē kohën e duhur.
 - Tē dhënat janë ruajtur mē shumë se ç'është e nevojshme pēr tē përbushur qëllimin e përcaktuar.
 - Tē drejtat e aksesit tē operatorëve nē sistemet e kontrolluesit nuk janë revokuar, kur ato nuk janë më tē nevojshme.
 - Mekanizmi i zbatuar logging është i pamjaftueshëm, psh. nuk regjistrohen proceset administrative.

Nga Zyra e Komisionerit pasi është studiuar materiali i vendosur nē dispozicion nē formë elektronike (CD), janë bërë disa konstatime nē lidhje me përpunimin e tē dhënave personale nē përputhje me dispozitat e ligjit. Në lidhje me këto konstatime janë dhënë disa sqarime nga përfaqësuesit e Porta Saber Albania sh.p.k.

Në pjesën mē tē madhe këto sqarime kanë qënë nē kuadrin që kemi tē bëjmë vetëm me një projekt dhe nuk është ende produkti final.

Në lidhje me pretendimin e Porta Saber Albania sh.p.k nëse informacioni që ka lidhje me targën përbën të dhënë personale, legjislacioni shqiptar ka një përkufizim të qartë në lidhje me këtë term. Ky përcaktim bëhet në nenin 3/1 të ligjit 9887, datë 10.03.2008 "Për mbrojtjen e të dhënave personale" i ndryshuar "Të dhëna personale është çdo informacion në lidhje me një person fizik, të identifikuar ose të identifikueshëm, direkt ose indirekt, në veçanti duke iu referuar një numri identifikimi ose një o më shumë faktorëve të veçantë për identitetin e tij fizik, fiziologjik, mendor, ekonomik, kulturor apo social". Në kuptim të këtij neni, pavarësisht se çfarë mblidhet si e dhënë në momentin fillestar, nëse kjo në një moment të caktuar lidhet me identitetin e një personi fizik (drejtues automjeti psh, në rast mos pagimi taksash) pavarësisht, nëse është koncesionari apo autoriteti kontraktor që zbulon identitetin, kjo përbën një të dhënë personale. Në këtë kuadër duhen përcaktuar të gjitha dispozitat që parashikon legjislacioni për mbrojtjen e të dhënave personale nga palët implementuese.

Në takimet e zhvilluara dhe nga përgjigja e Porta Saber Albania në lidhje me disa parashtrime në lidhje me projekt/propozimin, të dërguar për mendim, sqarohet se elemente të plota në lidhje me mbrojtjen e privatësisë do të përcaktohen në aktin që do të miratojë koncesionin (ligj, VKM), Kontraten Koncesionare midis palëve, Rregulloren për Mbrotjen e të Dhënave Personale.

Reflektimi i parashikimeve dhe procedurat e sipërpërmendura, do të mund të sjellin projektin në përputhje me legjislacionin për mbrojtjen e të dhënave personale.

Sa më sipër, në zbatim të nenin 31 pika 1/a të ligjit 9887, datë 10.03.2008 "Për mbrojtjen e të dhënave personale", i ndryshuar, aktet e mësipërme, të cilat do të vendosin rregullat në lidhje me mbrojtjen e të dhënave, duhen dërguar për mendim pranë Zyrës së Komisionerit përpara miratimit të tyre.

Faleminderit për vëmendjen,

Besnik DERVISHI

